

影印
文淵閣

四庫全書

影印

文淵閣四庫全書

第一三一五冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

精華錄 堯峯文鈔

清 王士禎撰……………一

清 汪琬撰……………二〇三

欽定四庫全書

集部
精華錄卷二

詳校官侍讀學士_臣陸伯焜
助教_臣常循履勘

總校官進士_臣朱 鈐
校對官編修_臣秦 瀛
謄錄監生_臣鄭自彬

欽定四庫全書

集部七

精華錄

別集類六

國朝

提要

_臣等謹案精華錄十卷

國朝王士禎撰士禎有長白山錄已著錄其詩

初刻有落牋堂集皆少作也又有阮亭詩及

過江入吳白門前後諸集後刪併為漁洋前

集而諸集皆佚嗣有漁洋續集蠶尾集續集

欽定四庫全書

精華錄
提要

後集南海集雍益集諸刻是編又刪撮諸集

合為一帙相傳士禎所手定其子啟沂跋語

稱門人曹禾盛符升仿任淵山谷精華錄之

例鈔為此錄者蓋託詞也士禎談詩大抵源

出嚴羽以神韻為宗其在揚州作論詩絕句

三十首前二十八首皆品藻古人末二首為

士禎自述其一曰曾聽巴渝里社詞三閭哀

怨此中遺詩情合在空舲峽冷雁哀猿和竹

論當我

朝開國之初人皆厭明代王李之膚廓鍾譚之纖仄於是談詩者競尚宋元既而宋詩質直流為有韻之語錄元詩絳豔流為對句之小詞於是士禎等以清新俊逸之才範水模山批風抹月倡天下以不著一字盡得風流之說天下遂響然應之然所稱者盛唐而古體惟宗王孟上及於謝朓而止較以十九首之

驚心動魂一字千金則有天工人巧之分矣

近體多近錢郎上及乎李頎而止律以杜甫

之忠厚纏綿沉鬱頓挫則有浮聲切響之異

矣故

國朝之有士禎亦如宋有蘇軾元有虞集明有

高啟而尊之者必躋諸古人之上激而反脣

異論遂漸生焉此傳其說者之過非士禎之

過也是錄具存其造詣淺深可以覆按一切

黨同伐異之見置之不議可矣乾隆四十六

年四月恭校上

總纂官 臣 紀昀 臣 陸錫熊 臣 孫士毅

總校官 臣 陸 費 墀

欽定四庫全書

精華錄卷一

刑部尚書王士禎撰

古體詩

對酒

對酒歌慨慷自我屬有生共得睹太平皇帝陛下惟樂
康官府治丞相無私人諸諫官彈射姦慝咸有直聲自
中丞刺史良二千石各各有廉名日南交趾皆我郡縣

欽定四庫全書

精華錄
卷一

蠻夷君長以時稽首殿庭屬國具為令文笥生翠來王
京幸太學三老而五更遂賜民爵一級存問長老遣都
吏循行大酺十日除宮刑美人曼壽百室豐盈

慕容垂歌 三解

慕容初入鄴已有虎狼志前驅丁零部後面鮮卑騎
燕燕尾涎涎飛飛啄塘蒲三原隔五峻緩急當奈何
慕容在何許已度涼馬臺饑鷹掣韝絛一逝不復歸

白紵詞三首

江南煙水多白鳬羣飛啞啞烟際呼美人窈窕為君娛
蜀羅吳縠曳華裾修眉星妍且都明鐙遙映丹脣朱
清歌錯落大小珠折腰流盼意態殊乍進欲退心躊躇
芙蓉灼灼迴雙趺仙珮丁丁鳴六銖燭殘月暗漏滴壺
宛轉為君開繡襦

欽定四庫全書

精華錄
卷一

青春遙夜開華堂綺羅絃管東西廂阿誰公子淮南王
美人家本邯鄲倡合蟬隨馬耀明妝起舞為君陳樂方
翠曾參差烟際翔鸞驚龍婉相頡頏西城北里各擅場
羅襖文巾紛御香明眸善睐含流光舞罷雲中孤月涼
若耶溪水勝瀟湘越川佚女春浣香織成白紵冰雪光
上為舞衣下舞裳大秦珍珠明月璫崑山玉撥映金梁
齊琴趙瑟聲鏘鏘七槃妙舞紛相當須臾璧月沉西方
汝南鳴雞啼曉霜今我不樂去日長裝回念此摧中腸
翡翠幄陳高堂請君安坐樂未央

擬美女篇

洛濱風日好美女出相望瑤象飾香轂玉軋鳴鏘鏘采

春蘭阪上弭蓋蘅皋傍龍輔節纖步鶯珠結明璫借問
女誰氏少小生平陽大姊入後宮次姊瑯琊王小妹雖
不貴夫婿直東廂出入冠駿驤天子侍中郎檻衣萬錦
費騷衷千金裝容華誠自惜貴盛寧易詳洛水正微波
明瀾一何長川路西南永扁舟不可方寄語盛年子顧
義慎自防

擬白馬篇

駿馬生代北少年出幽并結束各光采指顧風雲生朝

欽定四庫全書

精華錄
卷一

三

遊屬玉觀夕宿衛承明身逐孤兒隊名隸羽林兵行行
南山獵意氣何縱橫蒼隼決雲來飛矢逆風鳴大澤鷗
鵠道深雪狐兔驚迴瞻鸛雀門突兀與雲平鞍馬條來
歸勢若浮烟輕昨夜羽書至貳師出邊庭上馬別妻子
鳴鏑追前旌舊隨冠軍伍復此河源行大漠少行人深
谷多鼪鼯朝飲沙上泉夕戍雲間城左顧疏勒服右盼
伊吾清無令都護將關外獨聲名

自石橋尋黛溪遂至摩訶峰下

日落山氣涼清流自迴轉窮源不知勞漸忘溪路遠幽
石各奔峭脩樹亦婉孌遙睇徑難測迴矚途屢變寂歷
衆山響蕭條晚風善微徑暮樵出懸崖歸鳥見須臾夕
霏收殘陽四山徧新月忽清揚餘霞自舒卷稍覺葛衣
輕幸藉孤筇健平生邱壑人茲言庶能踐

由柳菴踰西山最高頂至醴泉寺拜范祠

清境難久留申旦戒徒御引領睇前峰抗策辭東路數
武即嘔欽危蹊少安步顧盼見百里雲日媚烟樹憑高

欽定四庫全書

精華錄
卷一

四

俯澄湖風帆競孤驚晴旭移峰巔明晦變已屢褰衣入
空翠溪流渺南注穆疎曠遊眺蒼茫失昏曙東山清風
來西澗涼雨度澄潭益蕭瑟游鱗紛散聚前賢跡已遠
山川緬如故風昔思古人三歎讀書處

醴泉謁誌公像觀唐碑

碑開元三
年乙卯立

早讀神僧傳緬希誌公迹劍水蹤已遙鍾山事成昔豈
知常白峰留此千年石鳥爪帶銅綠鏡面瑩蘚碧磨滅
開元碑蟲鳥紛難譯披蘿究遺文剝苔理殘畫斷闕發

聞見樵牧增歎惜陸銘圯寒塚王碑委荒僻廬陵傲珠
犀東武比博奕淪棄多名珍何憚窮釣索一勺醴泉水供
此風雨夕

神僧傳誌公面瑩徹如鏡手足皆鳥爪碑有云
陸陸製銘于冢內王筠勒碑于寺門皆與傳合

醴泉寺高閣瞻眺有懷范文正公

風雨湖上米蕭條灑飛閣殷雷起睂際極目窮寥廓遙
天壓烟水空濛氣磅礴大澤盤蛟龍斜風偃鵬鶚卻眺
鴻濛中日光遠迴錯草木暗四山急淙鳴萬壑悵然思
古人大雅何時作

欽定四庫全書

精華錄
卷一

書堂

絕澗已千仞磴道仍九盤直上若懸溜縑屬勢難安右
顧踐鹿跡左顧憑鳥翰日落空山中蕭然風氣寒精舍
壁間出洞門天際看奇石壓巖戶孤立何巔兀突兀拔
澗底窈窕凌雲端入門度飛梁傍夕間驚湍幽軒宛初
構几榻皆峰巒頗意雷雨時雲氣生戶間諸天發鐘磬
星斗方闌干惆悵此靈境罩然懷懶殘

復雨

花枝濛濛日將暮颼颼涼颼起庭樹雨腳射地晝陰晦
急溜鳴簷不知數連年左輔嗟大無有蜚多麋仍屢書
良民重累背鄉縣奸民攻剽成萑苻天南干戈未寧息
男罷農耕女廢織長沙江中多戰船祝融峰頭尚兵草
羽書日日下山東秭歸轉輪動千億苦竹黃楓猿晝啼
舟子征人少顏色掘冢鑄幣既不能展轉呼天猶力穡
今年稍稍宜雨暘黍稷撲撲稻葉長長官鞭扑那敢避
努力公家輸酒漿

欽定四庫全書

精華錄
卷一

和窟室畫松歌

黃門園中有窟室背枕亞祿名山臨滄溟石壁磊砢一千
丈入眼髣髴生精靈橫壁老松誰所作海風怒攫山欲
傾盛陰五月凜霜雪怒姿萬變盤雷霆疑是溟渤含日
氣不然天上來星精我來盛夏變冬序白晝慘淡生晦
冥顛毛亂指舌上橋寒肌起栗心骨驚上下蒼茫有神
鬼左右騰跳飛鼉鼉江南吳生昔為此一一下筆皆龍
形昔者吳道子畫壁天宮寺將軍劍舞何蔚跂興酣筆

落氣磅礴萬夫動色嗟神異吳生畫松已百載鐵幹霜
皮終不改南榮曝背亦吾儔偃蹇龍鱗好相待

蠡勺亭觀海

登高邱而望遠海坐見萬里之波濤長天寥廓雲景異
春陰偃蹇魚龍高怒潮乘風立千丈虎蛟水兕紛騰逃
羣靈潛結萬蜃氣一痕未沒三山椒頰更勢盡潮亦止
波淡天清靜如綺菱苔沉綠紛塘坳螺蚌搖光散沙汨
叅差島嶼羅殊域紛如星宿秋天裏擊我劍聽君歌有

欽定四庫全書

精華錄
卷一

七

酒不飲當奈何日主祠前水蕭瑟仙人臺上雲嵯我美
門高誓不可見秦皇漢武空經過祇今指顧傷懷抱黃
腫恹緝盡荒草人生快意無幾時明鏡朱顏豈長好吾
將避世女姑山不然垂釣蜉蝣島

周文矩莊子說劍圖

後有董宗伯
書說劍篇

古今人物畫手誰第一晉有衛協吳曹興南唐周生更奇
鳥行筆瘦掣姿峻嶒此圖在世踰千載墨光黯淡生光晶
君王隱逸各有態蠶絲烟篆交迴縈目瞋鬚突五劍客

短後之衣曼胡纓二人旁立目左顧劍如星日光縱橫

昂首右顧者三士二人按鐔神欲生一人拔劍作虎步
怒如截兕吞長鯨使筆如劍劍氣出此公無乃能鐵兵
莊生說劍固豪快十步千里無留行千年奇論佐奇筆
揮毫潑墨皆飛鳴雲間墨妙更道絕鍾王腕底紛鬬爭
自云昔見吳興書說劍恨不作圖雙妙并今逢此卷信
神物又恨作書非趙卿徘徊三歎出金石煥然妙蹟如
神明我聞周生妙得後主作字法秋胡謝女風格清秦

欽定四庫全書

精華錄
卷一

八

淮花月汴京土感此傷人今古情

宣和御藏文矩有秋胡
故實謝女寫真等圖

冬日偶然作四首

太史下蠶室坎壈誰見知發憤傳貨殖千古同悲噫郭
縱出鑄冶翁伯起販脂灑削既鼎食胃脯亦連騎志士
守蓬蘿不如交馬醫索帶披敝裘不如規魚陂

我愛灌仲孺意氣薄雲天長嘯入吳軍指顧堅壁穿長
戟鬱龍蟠怒騎如風旋聲名冠諸侯皆曰大夫賢魏其
勢既落田氏寵益專朝請考工地夕奪城南田丞相故

賓客顧盼忽屢遷笑罵顧四筵殊不直一錢當時膝席
子岌岌皆危冠

鄭季有孽子少小為人奴騎從平陽主給事建章居朝
拜大將軍封侯訖鉗徒遂復還尚主賜第耀通衢隴西
老飛將猿臂雄萬夫白首不得侯心折幕府書誰能對
刀筆臨風自捐軀天道有如此千古同歎歎

吾家有方平雅志託林壑拂衣早歸耕貂裘行採藥卜

築沃川墅垂釣上虞郭邈矣孔阮儔避哉箕顓樂瑯琊

欽定四庫全書

精華錄
卷一

多龍驚羨此雲中鶴

春不雨

西亭石竹新作芽遊絲已冒櫻桃花鳴鳩乳燕春欲晚
杖藜時復經田家田家父老向我說穀雨久過三月節
春田龜坼苗不滋猶賴立春三日雪我聞此語重嘆息
瘠土年年事耕織暮間窮巷叱牛歸曉見公家催賦入
去年暘雨幸無愆稍稍三農獲晏食春米穀賤復傷農
不見饑鳥啄遺粒即今土亢不可耕布穀飛飛朝暮鳴

春草作飯藜作羹吁嗟荆益方用兵

蠶租行十解

丁酉夏有民家養蠶質衣釧鬻桑而催租急遂
縊死其夫歸見之亦縊王子感焉作是詩也

陽春三月時蠶子何蠕蠕三日出奩中五日徧繭條一解
東鄰有少婦養蠶方一塢夜夜伴蠶眠桑葉恐不周二解
朝出南陌頭猗猗望柔柔亦不見柔柔樵子醉鴈鳩三解
歸來見蠶饑徘徊當奈何脫我耳邊釵鬻我嫁時襦四解

欽定四庫全書

精華錄
卷一

十

阿夫持襦去里正持符來漢中索軍租不得還顧私五解

里正且上坐黽勉具晨炊但緩一月餘蠶成賣新絲六解

新絲亦難賣新穀亦難收不見馬上郎雉尾紅錦裘七解

再拜謝里正丈人且旋歸鬻我嫁時襦脫我耳邊釵八解

蠶應黑瘦盡軍租持底當痛哭視孤兒畢命朱絲繩九解

阿夫還入門不復見故妻生既為同衾死當攜手歸十解

懷古詩三篇

魯仲連陂

七雄既龍鬪陳寶歸嬴秦師出函谷關六國咸遂巡邯鄲日夜急咄嗟誰解紛蕩陰師既頓新衍謀豈倫先生畫奇策長揖平原君僕妾愧萬乘大義明君臣縱橫數千言顧卻虎狼軍功成不受賞飄然歸海垠蹈海既高義肆志寧辱身至今齊趙士個儻希清塵我來古陂上遺祠蔓荒榛覽道竄蒼鼠天風吹白蘋緬懷田巴語景行跂千春

顏頤墓

欽定四庫全書 精華錄 卷一 十一
末世寡尚志薄俗希乘軒豈不貴纁帛形役神不全吾高顏夫子抗節藐齊宣鐘簾寧足論殿上呼王前晚食與安步詎以榮利遷監門良自賤趨士理亦賢俯仰二千載弔古悲荒阡墟墓絕樵採清風激顏頤古道邈難作悲哉東逝川

轅固里

漢初尚黃老儒術聞不章齊魯誕諸儒五經如載陽邈哉清河傳卓為羣倫侶抵掌論湯武大義非荒唐曲學

誠孫弘微言詒后蒼訓詞列學官星日同琅琅我生睽千載桑梓寧異鄉寤寐思哲人流風一何長生慙齊魯學私淑附師匡

苦寒行

遠遊漁陽城飲馬滹沱渚河朔恒苦寒日夕風鳴悲悲風起廣塗霜霰凋人衣欲渡川無梁層冰何壘壘鴟梟鳴枯楊豺虎交路衢深谷多猿獠得食歡相追我行歲既晏十步八九迷他鄉少親故相逢知是誰憂愁鏤肌骨自顧顏鬢衰俛眎飛蓬根隨風時轉移我獨久伊鬱歲暮空徘徊寄語後來人遠遊不如歸

梁曰緝為言輞川雪中之遊

少志愛山水夢想懷藍田終南西峰下水石餘清妍憶昔維摩詰于此曾挂冠揮手謝時輩草堂常晏眠輞水遶舍下湖光明雲端繩牀間藥鐺清齋日蕭然春鷗漸矯翼夏木紛綿芊時尋名僧會自泛湖中船嘆息古人沒風物隨變遷仙令妙文筆慨然追昔賢積雪曜巖阪

秀色暖林巒數里入谷口石流已濺濺水鳥相哀鳴雙
垞渺人烟却登華子岡輞水猶淪漣花竹散已久亭館
供諸天王裴杳千載邱壑亦凋殘來者復為誰斯言良
足歎

慈仁寺雙松歌贈許天玉

我昔登泰山舉手攀秦松東南雲海幾千里夜懸日氣
開鴻濛山人出山已三載復見金元雙樹在攬髯石骨
青銅姿古貌荒唐閱人代長夏蒼蒼秋氣深風來絕磴
欽定四庫全書
精華錄
卷一
十四
蛟龍吟仙人五粒不可見但有玄鶴來往飛陰森蚺
詰屈宛相向千曲盤挈氣初放一任支離拔地生那須
天矯排雲上我來高枕石壇邊耳畔往往聞驚泉白日
沉沉不到地颯然雷雨生空天煙色欲暝鐘復起雄談
岸憤波濤駛千秋萬歲知者誰閩海奇人許夫子

洗象行

水闌蒼蒼柳陰碧寶馬流蘓紛絡繹日中傳呼洗象來
玉河波射珊瑚赤須臾鉦鼓千雲霄萬夫聲寂如秋宵

虎毛蠻奴踞象頂邱山不動何啻堯岸邊突兀二十四
直下波濤若崩墜縱橫欲蹴鼉鼉宅騰踏還成鸛鶴隊
乍如昆明習鬪戰萬乘旌旗眼中見又如列陣昆陽城
雷雨行天神鬼驚奴子胡旋氣道壯忽沒中流狎巨浪
撇波一躍萬人呼幡然卻出層霄上今年丞相收夜郎
扶南盤況求王章遠隨方物貢天闕屹然立仗金階旁
聖朝自不貴異物致此亦足威遐方黃門鼓吹暮復動
海立山移浩呼洶大秦師子多威神山林豈是天家珍
欽定四庫全書
精華錄
卷一
十四

題趙澄仿王右丞羣峰飛雪圖

寒色冥冥下巖壑千峰萬峰雪初落瀑布無聲溪澗凍
紅樹微茫敞孤閣閣中有客方緼袍當盃氣與蒼山高
遙看飛鳥落何處如聞落木鳴東臯崖橫路斷少人跡
稍見老樵下巖隙高低遠近一溪通晦明合沓千重隔
右丞昔日居藍田山水落筆窮自然雪岡漁市盡高妙
藥瀨歌湖紛眼前此圖曾入宣和譜董巨荆關馬足數
兵火相尋六百年玉躡金題幾更主雪江老筆妙入神

臨摹古本幾亂真即教唐宋多能手未必常逢如此人

傳侯天馬歌

傳侯天馬身八尺風鬃卓立雙瞳方赤毛朱翼信龍種
神姿磊落形昂藏來從流沙涉西極玉山之禾偶棲息
意氣生能輕虎兕驍騰未屑循羈勒四蹄鳥爪如鋼鈎
經過千里風颼颼虎身壯士控不得仰眎閭闔浮雲愁
昔日湖南始征戰軍中驕驍號百萬此馬振鬣始一鳴
歟如天上驚雷電一從罷戰歸中原三年不復從櫜鞬

欽定四庫全書

精華錄
卷一

十五

漁陽落日下白草壯心更欲窮河源安得此馬飛上天
不須萬里遮窮邊即看郊祀陳天馬何減登歌太乙年

抱琴歌

嶧陽之桐何泂泂緯以五絃發清商一彈再鼓儀鳳皇
鳳皇不來兮我心悲抱琴而死兮當告誰吁嗟琴兮當
知之

宣和御墨枇杷圖歌

盧橘蒼蒼橫幹起故印依稀識天水風枝雨葉不關愁

慘淡如披靖康史宣和文物劇風流繡褱錦蹕窮千秋

畫學歲收五嶽觀圖書盡識太清樓盛衰轉瞬如飛電
年蛇岡上紛刀箭紫筠花木摧為薪西風落日青城殿
此本流離出禁庭過江千載嘆飄零昔日興亡如在眼
還同麥飯哭冬青

夜經古城作

我行牛山下寒墟帶平楚不見齊王宮空城半禾黍疎
星耿不明白楊夜深語

欽定四庫全書

精華錄
卷一

十六

南園二首

曉起思園林昨夜西堂雨負杖眺前山初陽散平楚淥
池萍始合芳樹禽交語庭戶寂無人慨然念終古
夜雨雜花落衡門綠苔生誰能捉坐席共作林下行圓
荷舒午景茂林含夕清歸禽赴斜照稅駕此山楹

雨夜與禮吉叔子

高館多梧桐微雨飛向夕清談不能寐入夜轉蕭索餘
香歇幽幌暗蟲響堦石夢破忽沉吟悵然越鄉客

與周量過訪茗文夜雨共宿

故人千里別春草，萋已綠相思南雲端。
目盡東海曲，復作帝城遊。乘暇慰幽獨，入門涼蟬鳴。
中庭多嘉木，石徑生積陰。蒼苔宛山谷，坐久微風來。
雨聲雜深竹，共有滄浪興。復縱青山目，良會誰能常。
今宵得同宿。

贈勞山隱者

何許藏名地，秦山海上深。半夜白日出，風雨蒼龍吟。
靜侶行道處，不聞樵採音。清冷魚山梵，寂寞成連琴。
曉就

欽定四庫全書

精華錄
卷一

十七

諸天食暝樓，蒼藟林因知安居法。一契無生心，我亦山中客。
悠悠悔陸沉。

夜登燕子磯

渡江訪名山，層巔到曠黑。大江森欲動，浩浩千里色。
把炬石燕飛，燃犀潛蛟匿。北望靈巖塔，知是專諸邑。
悲慨下沾襟，此意誰當識。

宿弘濟寺曉登觀音巖眺望

擊楫凌滄洲，投宿招提境。入門優曇香，聞鐘夜方永。
高

枕聽濤聲層軒抱，江影曉來微雨過。紅葉滿高嶺，憑闌見萬里雲物殊清迥。
長山去蜿蜒，上流壓江郢。海門控金焦，蒼烟翳朝景。信美睇山川，霸圖遯烟冷。
何如學無生，抗跡雲峰頂。

寄彭十美門

蕭寺鐘殘時燕山，霜落夜對牀。語清夕流連，不知罷落葉。一紛飛離鴻，遂南下湫浦。
近青山依稀見君舍。

半山愛子寒江落潮之句為作圖愚山題詩其上

欽定四庫全書

精華錄
卷一

十八

和答一首

我昨訪奇登燕磯，潑墨深更過巖壁。捫蘿附葛不知險，夜踏空江欲崩石。
掀髯作畫鹿裘翁，長歎題詩宛陵客。何當結屋圖中居，卧看江天落潮白。

吳季子祠下作

我行延陵城懷古，心苑結讓德邈已遠。流風緬曩哲，州來季當立。高懷寧詎屑，躬畊表遐志。
亮哉子臧節，慕義永無窮。穹碑字難滅，所悲於潛役。國亂相更迭，伍胥進

勇士專諸踐王血遜位固高義復命忍臣列春秋不名
賢書札理當嘶嗚呼三代後斯風久淪絕廉節起頑懦
尚論義常竊縞紵思古人空祠颯寒雪

毘陵歸舟

泊船西蠡河解纜東城路涼月淡孤舟遙村隱紅樹杳
杳暮歸人悠悠渡江去

招隱寺

筍輿越黃鶴連岡帶平楚歷歷南朝松風吹落寒雨石

欽定四庫全書

精華錄
卷一

十九

楠紅始垂沙泉碧方吐遂造戴公山風氣何清古山門
映殘照雙泉咽寒嶼玉蘂不復見空亭閑荒塢戴公昔
通隱風流照巖戶漱泉彈名琴東巡動人主清風一銷
歇初地留空宇金碧漸凋殘林壑自輕舉蕭條黃葉落
寂歷幽禽語迴澗起涼吹經堂罷齋鼓緬想剡中人蒼
茫久延佇

自招隱登夾山入竹林寺

籃輿俯高嶺石磴轉幽谷諸峯亂空翠澄江疊輕縠迴

望戴公宅秋氣益蒼肅紺壁隱奇杉危亭蔽荒竹孤僧
遠獨歸山鳥暮相逐樹杪見古寺松枯散林麓絕壁尚
千尋紆逕非一曲初蠟阮公屐逝將訪金泉暝坐竹林
深山山靜寒綠

竹林寺

迢迢夾山道幽幽竹林寺林公闢山處泉澗饒古意鐘
磬聞諸天花藥覆平地森梢萬竿竹烟景滿空翠慈烏
識禪心清猿起愁思平生江海情蕭然但高寄回首禮

欽定四庫全書

精華錄
卷一

二十

白雲何時謝塵累

林臯和尚塔院觀林公泉

祖堂白雲裏岩堯俯林樾昔人不可見巖桂花猶發惟
有林公泉涓涓漾明月

海門歌

岷峨東下江水長遠從井絡來吳鄉奔濤萬里始一曲
古之天塹維朱方北界中原壯南紀魚龍日月相迴翔
中流一島號浮玉登高眺遠何茫茫長空飛鳥去不盡

江海一氣同青蒼山外兩峰遠奇絕雙闕屹立天中央
左江右海辨雲氣如為八裔分紀疆江流到此一縛束
早潮晚汐無披猖燭龍曉日出雲海山光照曜連扶桑
年來海戍未停罷我舸大艦來汪洋胡豆洲前起烽火
徒兒浦上披衲襠古聞京口兵可用寄奴一去天蒼涼
我願此山障江海七閩百粵為隄防作歌大醉卧巖石
起看江月流清光

上方寺訪東坡先生石刻詩次韻

欽定四庫全書

精定錄
卷一

十一

昔出蜀岡道黃葉鳴秋蟬今來上方寺綠萼破春烟坦
步寶帶側延眺隋城巔古刹龍象寂殘碣蛛絲懸緬思
我嶠人文米真神仙贈詩日南使賓佐皆豪賢邈然竟
終古漱墨留春泉老筆欲飛動妙態殊便娟空堂響人
語怖鴿飛聯翩後遊慨今昔憑弔當同然

寺有泉
名第一

京江夜雪

揚子津邊揚片席暮角聲傳京口驛北風一夜江上寒黃
鶴山頭雪幾尺去年曾上春秋樓蘆花楓葉當清秋何當

踏雪三山頂第一江山萬里流

甘露寺有宋吳琚題
榜曰天下第一江山

丹徒行弔宋武帝

曲阿之北京口東寄奴王者真英雄新洲伐荻殺龍子
大業遂建丹徒宮桓家小兒亂天紀投袂勤王夜中起
携蒲百萬皆人豪龍行虎步非凡理從茲大運屬彭城
中原趙魏歸經營破口千軍五龍涸藍田一戰二嶠平
南北推移幾千載太息雄圖竟何在宿麥寒原少昔人
神鴉社鼓成空塞王氣銷殘帝宅荒悠悠江水不勝長

欽定四庫全書

精華錄
卷一

十一

忠臣徒嘆表開府天命還歸蕭建康

五人墓

流連虎阜遊宛轉山塘路石門映迴波英靈此中聚滿
壇松桂陰落日青楓樹生傍伍胥潮死近要離墓千秋
忠介墳鬼雄誓相赴酹酒拂蒼碑寒鴉自來去

自光福里入太湖口往聖恩寺

扁舟下西崦蘇蘇入湖口逶迤鄧尉山蒼茫具區數南
來仙靈窟表墓號稱首銅井連青芝雲錦張左右七十